

**Inatsisartut aalajangiiffisassaattut siunnersuut Naalakkersuisut peqquneqassasut
Nukissiorfinnut nalunaaruteqaqqullugit, akinut suliffeqarfiup allattorsimaffiani
allaqqasut allannortinneqassasut, siunissami ima allassimalerluni innaallagissamut
atuisut nunami aalisakkanik suliffissuarnut innaallagissamut akikillisaaffigisaraat
aammalu imermik atuisut nunami aalisakkanik suliffissuarnut imermik
akikillisaaffigisarai, maannakkutut ikkunnaarluni Nuummiunerusut ataatsimoorullugu
kiassarnermik atuisunit akilerneqartarunnaarsillugit**

(Saqq.: Inatsisartunut ilaasortat Siverth K. Heilmann aamma Steen Lynge, Atassut)

pillugu

Sanaartornermut ataatsimiititaliap

ISUMALIUTISSIISSUTAA.

Siunnersuutip aappassaaneerneqarneranut tunniunneqartoq.

Suliarineqarnerani Ataatsimiititaliaq ukuninnga inuttaqarpoq:

Inatsisartunut ilaasortaq Anders Olsen, Siumut, siulittaasoq
Inatsisartunut ilaasortaq Tillie Martinussen, Demokraterne, siulittaasup tullia 25. septemberip
tungaanut
Inatsisartunut ilaasortaq Kalistat Lund, Inuit Ataqatigiit, siulittaasup tullia 25. septemberip
kingorna
Inatsisartunut ilaasortaq Jens-Erik Kirkegaard, Siumut
Inatsisartunut ilaasortaq Kalistat Lund, Inuit Ataqatigiit, ataatsimiititaliami ilaasortaq 25.
septemberip tungaanut
Inatsisartunut ilaasortaq Ane Hansen, Inuit Ataqatigiit
Inatsisartunut ilaasortaq Randi Vestergaard Evaldsen, Justus Hansenimut sinniisoq 2015-imi
25. septemberimit, ullorlu taanna Tillie Martinussen Ataatsimiititaliami ilaasortaajunaarpoq.

UPA 2015-imi ull. 24. marts 2015 siullermeereernerani siunnersuut Ataatsimiititaliap
misissorpaa.

Siunnersuutip imaa aamma siunertaa

UPA 2015/63

UKA 2015/63

J.nr. 01.37.01.03-00088

J.nr. 01.25.01/15FM-LABU-00063

J.nr. 01.25.01/15EM-LABU-00063

Nukissiorfiit suliffeqarfittut pilersuisut namminersortitat suliniutaasa amigartooruteqarfiusut inuiaqatigiinnit qanoq ikiorserneqartarneranut periutsip eqqartorneqarnissaa allangortinneqarsinnaaneralu siunnersuutikkut siunertaavoq.

Siunnersuutip Inatsisartunit siullermeerneqarnera

Inoqutigiinni tamani Nukissiorfiit suliaqarfigisaaniittuni nalinginnaasumik akissarsiaqarluni akilerneqarsinnaasunik imermut inaallagissamullu akinik periarfissaqarnissaq inuiaqatigiinnit suliassaasooq suliap siullermeernerani nalinginnaasumik isumaqataaffigineqarpoq.

Tamatuma kingorna qitiutinneqartoq tassaavoq inuiaqatigiinnut suliassamut tassunga aningaasartuutit qanoq akilerneqassanersut. Apeqqut tamanna qitiulluinnartoq tamatuma kingorna annertunerusumik oqaluuserisassanngorlugu Sanaartornermut ataatsimiititaliamut tunniunneqarpoq.

Saaffiginnissutit

Ataatsimiititaliap isummersornermini paasivaa, Kalaallit Nunaanni Sulisitsisut Peqatigiiffiat (maanna Sulisitsisut taaneqartartut) AG-mi 18. februar 2015-imeersumi tunngavilersuuteqartoq, aalisakkanik tunisissassiorfiit innaallagissamik aamma imermik atuinerannut tapiissutit tapiissutit taaneqarsinnaanngitsut, kisiannili annertuumik atuisutut akikillisaataasutut taaneqartariaqartut.

Ataatsimiititaliap Kalaallit Nunaanni Sulisitsisut Peqatigiiffiat qinnuigisimagaluarppaa, isummat tunngavilersorniarlugit isummatik pillugit kiisalu kisitsisit pillugit itsileeqqullugit

Kalaallit Nunaanni Sulisitsisut Peqatigiiffiannit annertunerusumik uppernarsaatinik tigusaqartoqanngilaq.

Paasissutissiilluni ataatsimiinneq

Ataatsimiititaliap siunnersuummik suliaqarnerminut atatillugu Pinngortitamut, Avatangiisinut Inatsisinillu Atuutsitsinermit Naalakkersuisoqarfimmit atorfilittanik paasissutissiinertalimmik ataatsimeeqateqarsimavoq.

Ataatsimiinneq Nukissiorfinni ingerlanneqarpoq, teknikikkullu periarfissat assigiinngitsut aamma ingerlatsivimmut periusissatut pilersaarutit paasineqarnissaat periarfissaasimavoq.

Pineqartup kinguartinneqarnera

Ulloq 22. maj suliap aappassaaneernejarnerata 2015-imi ukiakkut katersuunnissamut kinguartinneqarnissaanik Ataatsimiititaliaq Inatsisartut Siulittaasoqarfianut qinnuteqarpoq. Qinnuteqarneq akuerineqarpoq, kiisalu Ataatsimititaliap sulinini nangippaa.

Ataatsimiititaliap misissuineri aamma siunnersuummik suliaqarnera

Ataatsimiititaliap suliaq siunnersuummilu tunngavigineqartut misissorpai.

Ataatsimiititaliap inernilivoq, Nunatta Aningaasivianit Nukissiorfinnut tapiissutit, Nunaata Aningaasivianit Nukissiorfinnut taarsigassarsiarititat kisalu Nukissiorfinni namminermi tapeeqatigiittarnerup ingerlanneqartarnera il.il. aalajangiiffigisassatut siunnersuummi takussutissiarineqartumit pisariuneroqisut.

Siunnersuutip aningaasaqarnikkut sunniutissai

Inatsisartut suleriaasianni § 33, imm. 1-imi allassimavoq, siunnersuut tunngavilersugaassasoq siunnersuutillu aningaasatigut allaffissornikkullu kingunerisassai allaaserineqarsimassasut.

Siunnersuutip piviusunngortinnerani isumaqarnangilaq aningaasaqarnikkut sunniutissat naammattumik allaaserineqarsimasut. Ataatsimiititaliap taamaattumik peqqissaartumik isulitigisimavaa, siunnersuutip piviusunngornerani aningaasaqarnikkut sunniuteqassanersoq, kiisalu aningaasaqarnikkut sunniutissat tamakku qanoq matusserneqarsinnaassanersut.

Ataatsimiititaliap inassutai**Tamanna tunngavigalugu siunnersuut itigartinneqassasoq Ataatsimiititaliap isumaqatigiittoq inassuteqarpoq**

Taamatut oqaaseqarluni isumaliutissiisummilu allassimasutut paasinnilluni Ataatsimiititaliap siunnersuut aappasaaniigassanngortippaa.

Anders Olsen, Siulittaasoq

8. oktobari 2015

UPA 2015/63

Tillie Martinussen

Jens-Erik Kirkegaard

Kalistat Lund

Ane Hansen

UPA 2015/63
UKA 2015/63
J.nr. 01.37.01.03-00088
J.nr. 01.25.01/15FM-LABU-00063
J.nr. 01.25.01/15EM-LABU-00063